

涵芬樓古今文鈔

呂景端
書藏

通志樓古今文鈔

卷之五
記序
跋

涵芬樓古今文鈔卷七十一目錄

碑誌類

神道碑五

光祿大夫經筵講官文淵閣大學士兼吏部尙書陳文貞公神道碑 楊繩武

資政大夫經筵講官刑部尙書王公神道碑銘 楊繩武

福建巡撫敏惠潘公神道碑 沈大成

光祿大夫東閣大學士王文端公神道碑文 姚鼎

吏部左侍郎譚公神道碑文 姚鼎

漕運總督楊勤懋公神道碑 魯九皋

浙江提督總兵官追封三等壯烈伯忠毅李公神道碑文 陳壽祺

江忠烈公神道碑銘 曾國藩

羅忠節公神道碑銘 曾國藩

李忠武公神道碑銘

曾國藩

李勇毅公神道碑銘

曾國藩

碑陰

太尉橋公廟碑陰

蔡邕

紀信碑陰

盧藏用

大智禪師碑陰記

陽伯成

安天王碑陰

康傑

東方先生畫贊碑陰記

顏真卿

有夏大夫關公碑陰文

張謂

書箕子廟碑陰

柳宗元

無姓和尚碑陰記

柳宗元

唐丞相太尉房公德銘之陰

柳宗元

書處州韓吏部孔子廟碑陰 杜牧

刻武侯碑陰 孫樵

三祖大師碑陰記 張彥遠

高廟碑陰記 唐意

墓誌銘一

梁簡文帝陶貞白先生墓銘

陳後主楊都興皇寺釋法朗墓誌銘

周趙國公夫人紇豆陵氏墓誌銘 庾信

周譙國公夫人步陸孤氏墓誌銘 庾信

周儀同松滋公拓跋競夫人尉遲氏墓誌銘 庾信

周故大將軍幽國公墓誌銘 庾信

唐丞相逍遙公韋公墓誌銘 張說

梓州射洪縣武東山陳居士之墓銘

陳子昂

我府君有周居士文林郎陳公墓誌銘

陳子昂

唐丞相贈太傅岐國公杜公墓誌銘

權德輿

唐故檢校司空兼尚書左僕射上柱國魏國公贈太傅賈公墓誌銘

權德輿

故幽州盧龍軍節度副大使知節度事管内支度營田觀察處置押奚契丹兩番

經略盧龍軍等使開府儀同三司檢校司徒兼中書令幽州大都督府長史上

柱國彭城郡王贈太師劉公墓誌銘

權德輿

唐故吏部尚書兼御史大夫充諸道鹽鐵轉運等使李公墓誌銘

權德輿

故貝州司法參軍李君墓誌銘

韓愈

監察御史衛府君墓誌銘

韓愈

扶風郡夫人墓誌銘

韓愈

集賢院校理石君墓誌銘

韓愈

檢校尙書左僕射右龍武軍統軍劉公墓誌銘 韓愈

殿中少監馬君墓誌銘 韓愈

尙書庫部郎中鄭君墓誌銘 韓愈

河南令張君墓誌銘 韓愈

江南西道觀察使太原王公墓誌銘 韓愈

國子司業竇公墓誌銘 韓愈

給事中清河張君墓誌銘 韓愈

試大理評事王君墓誌銘 韓愈

唐故朝散大夫商州刺史除名徙封州董府君墓誌銘 韓愈

唐朝散大夫贈司勳員外郎孔君墓誌銘 韓愈

南陽樊紹述墓誌銘 韓愈

貞曜先生墓誌銘 韓愈

河南府法曹參軍盧府君夫人苗氏墓誌銘 韓愈

唐太學博士施先生墓誌銘 韓愈

唐太子校書李元賓墓銘 韓愈

唐柳州刺史柳子厚墓誌銘 韓愈

唐息國夫人墓誌銘 韓愈

涵芬樓古今文鈔卷七十一

侯官吳曾祺纂錄

碑誌類

神道碑五

光祿大夫經筵講官文淵閣大學士兼吏部尙書陳文貞公神道碑

楊繩武

今上五十一年壬辰四月十九日。元輔澤州陳公薨於位。先是一月。公以政府勞勩。數寢疾。令其子壯履奏狀。上特遣太醫院判劉聲芳就邸第診視。復命內侍李玉學士勵廷儀。修撰趙熊詔。及內大臣公鄂倫岱。宗室六格。先後問起居視狀。無虛日。既彌留。赴聞。上震悼輟朝。特賜內府闕器一具。翼日。命皇子誠

親王。率諸大臣九卿。畢集喪次。臨奠舉哀。又二日。遣侍衛伍格。學士廷儀等。齎

賜御製輓詩一章。又念公居官清素。賜帑金千金。賻公喪。隨詔禮部議卹典。

奏上。賜諡文貞。給葬祭全禮。遣行人官護喪歸。於時朝野內外。莫不感動泣下。

謂我 皇上篤厚公之忱。眞千載所僅見。而微公之忠恪素信於 上。亦無以始終荷此恩遇也。蓋公自 世祖章皇帝時成進士。入翰林。繼事 今上。五十餘載。登政府八年。勲績懋著。 今上御宇日久。 先帝舊臣。鮮有在者。而公獨爲兩朝耆宿。碩德重望。海內繫仰。故 上之眷注於公者逾厚。而公之受知於 上者亦愈深。生榮死哀。恩禮倍至。至於如此也。公諱廷敬。字子端。一字說巖。初諱敬臚。唱榜日。有同姓名者。 世祖命易今名。又構別業於樊川午壁閒。名曰午亭。學者以是稱公爲午亭先生。曾祖諱三樂。祖諱經。濟邑諸生。父諱昌期。拔貢生。公旣貴。自曾祖以下三世。皆誥贈如公官。曾王母盧。王母范。母李氏。繼張氏。皆太夫人。張夫人之始娠公也。夢神人以玉匣珠囊書數卷授夫人。已而誕公。岐嶷穎異。讀書過目輒不忘。方在抱。張夫人口授公以毛詩及四子書。卽成誦。七歲得鄉先賢薛文清公讀書錄。遂立志以河津爲師。九歲賦牡丹詩。有欲使物皆春句。識者以是知公後日必爲名宰輔也。順治丁酉舉鄉薦。戊戌成進士。選翰林院庶吉士。辛丑

今上登極。授祕書院檢討。己酉補國子監司業。庚戌遷宏文院侍讀。辛亥復設翰林院。改侍講。轉侍讀。冬十一月。遷侍講學士。壬子充日講起居注官。癸丑轉侍讀學士。乙卯遷詹事府詹事。丙辰擢內閣學士。兼禮部侍郎。充經筵講官。丁巳改掌院學士。教習庶吉士。特命入直南書房。南書房者。乾清宮南殿。皇上萬幾清暇。從容文翰之地。臺省九卿。多未及到。卽文學侍從之臣。亦不獲數數至。惟一二素親信被恩寵者。得入直焉。至是特以命公。知上意深嚮用公矣。戊午以張太夫人憂歸。初公任司業時。正身董教學。官分職。諸生肄業者。悉有條理矩矱。諸生入監。例有贄。公悉屏去之。曰。設官教人。非以賄令也。侍講筵日多所開益。嘗進講尙書說命篇。因奏言。上有高宗之爲君。所以下有傳說之爲臣。上爲悚聽。公之敷陳剴切。多此類也。癸亥遷禮部右侍郎。尋轉左。皆兼翰林院學士。甲子遷吏部侍郎。兼學士如故。旋奉命督理戶部錢法。未幾擢都察院左都御史。公受事。首下條教。禁遏京師十大弊。上疏請定婚喪服飾之制。以崇節儉。厚風俗。正人心。起教。

化。又疏請嚴考試親民之官。以收吏治實效。請重督撫之責成。以絕徇庇。請議水旱報免之法。以卹災眚。皆切要係治體輕重。民生休戚。上爲俞允焉。是時雲南巡撫某貪污狼籍。積贓至九十餘萬。公持疏劾其虧餉負國。某罷去。由是風紀整肅。中外大小吏莫不色動神懾。恐掛御史大夫章。時宛平王文靖公在政府。嘆曰。二十年無此疏矣。丁卯遷工部尙書。數月改刑部。逾年戊辰擢吏部。更定應行條例十數事。上皆允行。初公自爲御史大夫劾滇撫。以勁直不諧俗。爲時所忌。後歷尙書。嚴請託絕苞苴。諸有求者不得遂。由是忌公者日益甚。數欲因事中公。而公純白之操。著信朝。亡無可鈎染。會公姻某以楚撫掛朝議。忌公者用是周內公。上深悉公無所私。卒不得相中傷。忌公者咸沮氣。而公引分求退。上重違公意。乃詔公原品解職。仍命四日一至內直。越二年庚午。復起都察院左都御史。公復上疏陳言官建白之弊。謂科道職司獻納。務於人品邪正。吏治貪廉。事宜因革。關係重大者。切實指陳。毋毛舉細事。剔摘成例。以刻薄瑣碎。壞寬大經久之

規至我皇上聖學聖治。日新月盛。非頌揚之所得盡。何待言官於條奏時。綴述數端。以乖言事之體。論者韙之。秋七月。復遷工部尙書。辛未。改刑部。公復爲條教十數事。曉諭屬吏。皆切中刑獄之弊。每集議論。必引經附律。務持平以求其生。所全活者甚多。壬申。丁外艱。上懸大農缺半載以待公。甲戌。服闋。甫七月。卽

召補戶部尙書。公自少宰轄錢局。及是再爲大司農。先後五載。不名一錢。己卯。復調吏部尙書。公前在吏部。釐剔銓政。宿弊悉除。至是益加飭。門庭清肅。夤緣者不得進。有藩司某者。持千金爲壽。願一見執弟子禮。守公寓傍佛廬數日。忽暮夜乘閒入。長跪請。公大怒。叱去之。後數日。其人以他不法事。被論斥罷。人又以是服公之操。癸未。特晉文淵閣大學士。公自爲翰林院學士時。被命入直內廷。嗣後洊厯部院。常直如故。己卯。桐城相國張文端公致仕。遂命總督南書房。公雖未入內閣。而陪侍帷幄。參預密勿。非外廷卿貳之比。至是復以內閣兼內直。簡畀益崇。謹愆益甚。凡所以宣贊鴻業。佐理盛治者。皆天下所共聞見。而至於造膝前席。獨當

聖心之處。則雖親子弟。或不能盡傳。惟上知之深。故特倚重焉。賜詩褒美。有姚房杜李之比。乙酉。扈蹕巡閱南河。丁亥。復從閱溜淮套。皆朝夕侍上左右。督撫監司。無得私請謁者。饋獻亦一無所受。四十九年十一月。公入相。已八年所矣。先是公再秉銓政。卽具疏擬乞休。會事未得上。戊子。具摺請告。不允。至是公疏陳衰老。請致政益力。上見公情詞愷惻。乃詔公以原品致仕。有耆年大臣。可稱全人之論。特賜御書午亭山莊匾額。唐詩對聯。以寵公行。而公前奉命編輯御製文集。未得竣事。故未及行。辛卯六月。會京江相國張文貞公薨。時公雖已謝政。而上念兩朝舊臣。惟公一人。機務練達。無踰公者。因特旨更留公。公亦感念眷注之厚。義無可諉。遂復起視事。十月。仍命入直內廷。凡內閣章疏列名。必書予告二字。中書白請俸。公止之。曰。吾已乞歸。蒙上恩暫留。不敢虛糜廩祿也。今歲正月。公復請解閣務。未得旨。迄三月而公病。又閱月而公薨。公自起家翰林。致位宰相。中更六曹。備九卿。偉濟幹略。直節讜論。皆足以風示天下。照耀

史冊而尤以文章學問。荷 聖主不世之遇。故雖敷歷風憲。連管喉舌。而始終不離文字之職。自壬子後。爲常川日講官。丁巳後。爲經筵講官。故事閣臣不進講經筵。而公旣入相。上仍以命公。尤特典也。朝廷之上。高文典冊。多出公手。其他纂修撰述諸書。必 命公爲總裁官。雖分任他詞臣。亦俟公鑒閱而後定焉。辛丑分考會試。壬戌辛未癸未三爲會試總裁。癸丑一典武會試。所取文武士。皆名宿偉抱。得人爲盛。殿試先後七科。爲讀卷官。上旣重公才品學行。凡公所歷官。多特旨簡授。不拘成格。後遂因公以爲例。至於宣 召游讌。撤饌 賜食。及 御書御製白金文綺貂裘蟒服書法寶玩珍果靈藥之屬。重疊優渥。不可數紀。蓋我皇上優禮股肱。眷念舊臣。凡大臣之以功名終者。典章彝物。例皆崇厚。而於前歲張文貞公之喪。軫恤尤至。公薨 上諭卹終之典。悉視張文貞公。蓋兩公之以文章學問。荷 聖主知遇者旣同。而張公以清節厚德。鎮靜流俗。有宋李文靖王文正之遺風。公則以經濟幹略。措辦國是。乃唐宋文貞姚文獻之儔匹也。張公旣沒。

國之老成耆碩。尚有公在。公沒而先帝禁近之臣。爲今上弼亮之佐者。從此盡矣。此上於公之喪。所以悼軫踰等。典禮有加也歟。公性至孝。爲列卿時。公父尚在。色養孺慕如一日。始登籍。聞大夫人病。卽歸省。後廬大夫人墓。有百鶴飛翔之異。故名墓爲百鶴阡。地多虎與盜。公爲飼虎文告之。虎避去。而盜亦相戒勿犯。兄弟八人。或遠宦。或家居。友愛無少間。素耿介。不妄交與。而折節好下士。心所愛重。汲引薦達無遺力。於詩則推新城王公士禎。古文則推長洲汪公琬。清廉則推平湖陸公隴其。洪洞邵公嗣堯。公爲學士時。上數問公能文之士。公舉王公士禎對。王公遂以戶部郎中改翰林院侍講。己未詔舉博學鴻儒。公疏薦汪公。汪公以主事改官編修。後公爲御史大夫。上咨九卿廉守令。公舉陸公邵公對。皆得擢爲御史。他所論薦文章行能之士。不可計數。而四公尤海內人望。中國羽儀。後惟王公得躋九列。餘皆未及大顯。然其風流儒雅。節概行誼。固已足使天下震矚發矇。頑廉懦立。而皆出自公之薦拔。然則四公之風。所以衣被一世。振起後學。

者何莫非公之功也耶。嗚呼。此古大臣以人事君之義。尤爲後世所難者。故余表公之墓。於此尤深致意焉。公爲學。旣以河津爲師。而發揮著述。經學史學。皆有論撰。多昔人所未闡。古文則參酌兩漢。折衷八家。詩則上遡漢魏。下沿六朝盛唐。而歸宿於少陵氏。近世稱詩家。以澤州新城并論云。彙爲尊聞堂集八十卷。晚年手自刪定。爲午亭文編五十卷。又午亭歸去集二卷。他所論著尤多。俱行於世云。

資政大夫經筵講官刑部尙書王公神道碑銘

楊繩武

刑部尙書新城公旣沒之明年。公之弟學博某。奉公之狀。走京師千里抵余。乞余爲公墓門之碑。余惟公以詩古文詞。宗盟海內五十餘年。海內公卿大夫。文人學士。無遠近貴賤。識公之面。聞公之名者。莫不尊之以爲泰山北斗。凡公所撰著。與其所論定。家有其書。戶誦其說。得一言之指示。奉爲折衷。經一字之品題。推爲佳士。本朝治化。垂及百年。風雅道盛。鉅公哲匠。接踵林立。而一代風氣之所主。斷歸乎公。未有能易之者也。獨是公之一生。受聖天子特達之遇。自郎署改官翰